

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 45. Zakona o izvršenju Budžeta Zeničko-dobojskog kantona za 2020.godinu („Službene novine Zeničko-dobojskog kantona”, broj: 24/19 i 14/20), na prijedlog Ministarstva zdravstva, Vlada Zeničko-dobojskog kantona, na 98. sjednici, održanoj dana 19.03.2021. godine, d o n o s i

## **ZAKLJUČAK**

**o usvajanju Izvještaja o utrošku sredstava za period januar -decembar u skladu sa Programom utroška sredstava planiranih u Budžetu Zeničko-dobojskog kantona za 2020. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100 „ Tekući transferi drugim nivoima vlasti“, subanalitika LAX 010, „Tekući transfer za JU Kantonalna bolnica Zenica**

### **I.**

Usvaja se Izvještaj o utrošku sredstava za period januar- decembar u skladu sa Programom utroška sredstava planiranih u Budžetu Zeničko-dobojskog kantona za 2020. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100 „ Tekući transferi drugim nivoima vlasti“, subanalitika LAX 010, „Tekući transfer za JU Kantonalna bolnica Zenica, koji je sastavni dio ovog zaključka.

### **II.**

Zaključak stupa na snagu danom donošenja.

**PREMIJER**

po Odluci predsjedavajućeg Skupštine

*Mirnes Bašić*

Broj: 02- \_\_\_\_\_ /21

Datum, 19.03.2021. godine  
Zenica

DOSTAVLJENO:

1x Ministarstvo zdravstva,  
1x Ministarstvo finansija,  
1x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA ZA PERIOD JANUAR- DECEMBAR 2020.  
GODINE  
U SKLADU SA PROGRAMOM UTROŠKA SREDSTAVA PLANIRANIH U  
BUDŽETU ZENIČKO-DOBOJSKOG KANTONA ZA 2020. GODINU  
NA RAZJELU 21- MINISTARSTVO ZDRAVSTVA, BUDŽETSKA ORGANIZACIJA  
01, POTROŠAČKA JEDINICA 0001, EKONOMSKI KOD 614100- „TRANSFERI  
DRUGIM NIVOIMA VLASTI“, SUBANALITIKA LAX 010  
„TEKUĆI TRANSFER ZA JU KANTONALNA BOLNICA ZENICA“**

**Zenica, mart 2021. godine**

## I Uvod

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), sredstva utvrđena u razdjelu 21, budžetska organizacija 01, potrošačka jedinica 0001 Budžeta - Ministarstvo zdravstva - pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

Budžetom Zeničko-dobojskog kantona za 2020. godinu planirana su sredstva u iznosu od 1.150.000,00 KM za „Tekući transfer za JU Kantonalna bolnica Zenica“ („Službene novine Zeničko-dobojskog kantona“, broj: 24/19), a Izmjenama i dopunama Budžeta Zeničko-dobojskog kantona za 2020.godinu („Službene novine Zeničko-dobojskog kantona“, broj: 7/20), navedeni transfer je uvećan za 200.000,00 KM, s ciljem obezbjeđenja dodatnih sedstava za nabavku zaštitne opreme za potrebe JU Kantonalna bolnica Zenica, zbog proglašeng stanja prirodne nesreće uzrokovane pojavom pandemije virusa COVID-19.

Vlada Zeničko-dobojskog kantona Zaključkom broj: 02-11-8828/20 od 03.06.2020. godine usvojila je Programa utroška sredstava planiranih u Budžetu Zeničko-dobojskog kantona za 2020. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100 „Transferi drugim nivoima vlasti“, subanalitika LAX 010 „Tekući transfer za JU Kantonalna bolnica Zenica“.

Ukupno planirana sredstva po osnovu „Tekućeg transfera za JU Kantonalna bolnica Zenica“ u iznosu 1.350.000,00 KM odnose se na:

- Tekuće održavanje medicinske opreme - planirana sredstva u iznosu od 804.403,18 KM,
- Tekuće održavanje nemedicinske opreme- planirana sredstva u iznosu od 212.830,68 KM,
- Izdaci za ostalo tekuće održavanje-planirana sredstva u iznosu od 32.766,20 KM,
- Izdaci za PDV po projektu „Poboljšanje energetske efikasnosti u JU Kantonalna bolnica Zenica“ – planirana sredstva u iznosu od 100.000,00 KM i
- Izdaci za nabavku zaštitne opreme u uslovima pandemije virusa COVID-19- planirani sredstva u iznosu od 200.000,00 KM.

Zaključkom Vlade Kantona, broj: 02-11-18512/20 od 30.11.2020. godine usvojen je novi Program u ukunom iznosu od 1.250.000,00 KM, a prethodni stavljen van snage.

Obzirom da je bilo izvjesno da se planirana sredstva za realizaciju projekta Poboljšanje energetske efikasnosti u JU Kantonalna bolnica Zenica“ namijenjena plaćanju PDV-a po nabavkama pri realizaciji navedenog projekta, neće utrošiti, ista su preusmjerena Odlukom o preraspodjeli rashoda u Budžetu Zeničko-dobojskog kantona za 2020. godinu na Kantonalnu upravu civilne zaštite, zbog problema obezbjeđenja sredstava za nabavku PCR testova (100.000,00 KM).

Istovremeno je u okviru odobrenih sredstava u Programu izmjenjena unutarnja struktura, zbog potrebe obezbjeđenja sredstava za nabavku kisika za potrebe kiseoničke podrške Covid - 19 hospitaliziranih pacijenata, obzirom na enorman rast navedenih troškova usljed povećanog broja pacijenata.

U skladu sa članom 45. stav (4) Zakona o izvršavanju Budžeta Zeničko-dobojskog kantona za 2020. godinu, nadležni organ uprave polugodišnje izvještava Vladu Kantona o utrošenim sredstvima po Programu.

**II Tekući transfer za Kantonalnu bolnica Zenica  
(ekonomski kod 614100 subanalitika LAX 010)- planirana sredstva za period  
januar- decembar 2020. godine bez odluka o preraspodjeli rashoda 1.350.000,00  
KM, odnosno 1.250.000,00 KM sa odlukama o preraspodjeli rashoda**

Ukupni troškovi po osnovu „Tekućeg transfera za JU Kantonalna bolnica Zenica“ u periodu januar- decembar 2020. godine iznose 1.217.156,74 KM, što je 90,2 % planiranih sredstava Izmjenama i dopunama Budžeta za 2020. godinu, odnosno 97,4% planiranih sredstava uzimajući u obzir donesenu odluku o preraspodjeli rashoda.

U sljedećoj tabeli dati su podaci o planiranim i utrošenim sredstvima po osnovu Tekućeg transfera za JU Kantonalna bolnica Zenica:

<b>Red br.</b>	<b>Naziv</b>	<b>Planirana sredstva Program broj: 02-11-8828/20 od 03.06.2020. godine</b>	<b>Planirana sredstva Program broj: 02-11-18512/20 od 30.11.2020. godine</b>	<b>Izvršenje Budžeta 2020. godine</b>
1.	Tekuće održavanje medicinske opreme	804.403,18	721.200,05	688.403,58
2.	Tekuće održavanje nemedicinske opreme	212.830,62	205.320,95	205.274,16
3.	Izdaci za ostalo tekuće održavanje	32.766,20	0	0
4.	Izdaci za PDV po projektu „Poboljšanje energetske efikasnosti“	100.000,00	0	0
5.	Izdaci za nabavku zaštitne opreme u uslovima pandemije virusa COVID-19-	200.000,00	200.000,00	200.000,00
6.	Izdaci za nabavku kisika u uslovima pandemije virusa COVID-19	0	123.479,00	123.479,00
	<b>Ukupno</b>	<b>1.350.000,00</b>	<b>1.250.000,00</b>	<b>1.217.156,74</b>

U strukturi rashoda po osnovu Tekućeg transfera za JU Kantonalna bolnica Zenica na tekuće održavanje medicinske i nemedicinske opreme odnosi se 73,4 % ili 896.877,74 KM, a na pokriće troškova nabavke zaštitne opreme i kisika iznos od 323.479,00 KM ili 26,6% (navedeni izdaci su u direktnoj vezi sa sprečavanjem širenja bolesti izazvane COVID-19).

Izdvajanjima budžetskih sredstava za tekuće održavanje i servisiranje medicinske opreme doprinosi se stabilnosti u pružanju zdravstvenih usluga i funkcionisanju JU Kantonalna bolnica Zenica, što u nekom ranijem periodu nije bio slučaj. Zbog neizmirenih obaveza prema dobavljačima za servisiranje medicinske opreme, u slučaju kvarova dolazilo je do zastoja u pružanju zdravstvenih usluga i odliva novca iz ove zdravstvene ustanove.

Ova zdravstvena ustanova, u kojoj se liječe pacijenti oboljeli od COVID-19 sa teškim simptomima, iako sa znatnim dodatnim troškovima u uslovima pandemije, imala je podršku Vlade Kantona koja se sastojala, između ostalog i u izdvajanju budžetskih sredstava za pokriće troškova nabavke zaštitne opreme i kisika, što je doprinijelo da se pandemija drži pod kontrolom.

### 1. Rashodi po osnovu Tekućeg transfera za JU Kantonalna bolnica Zenica- pokriće troškova tekućeg održavanja medicinske opreme

Vlada Zeničko-dobojskog kantona donijela je ukupno šest odluka o odobravanju sredstava koje se odnose na održavanje medicinske opreme u ukupnom iznosu od 688.403,58 KM i to:

Red br.	Svrha odobrenja sredstava	Broj Odluke	Iznos odobren Odlukom	Dobavljač	Izvršenje januar-december 2020. godine	Obaveze sa stanjem 31.12.2020. godine
1.	Odluka o odobrenju sredstava za usluge održavanja medicinske opreme proizvođača "Siemens" u Službi za radiologiju	02-11-10829/20 od 26.06.2020. godine	451.605,86	„Siemens“ d.o.o. Sarajevo	451.605,86 (1*37620,86 11*37.635,00)	75.270,00 KM
2.	Odluka o odobravanju sredstava JU Kantonalna bolnica Zenica za usluge održavanja ultrazvučnih aparata proizvođača „Siemens“	02-11-10830/20 od 26.06.2020. godine	34.983,00	„Siemens“ d.o.o. Sarajevo	17.491,50 17.491,50	-
3.	Odluka o odobravanju sredstava za usluge održavanja i servisiranja opreme na Odjelu radioterapije-linearni akcelerator Electa	02-11-10831/20 od 26.06.2020. godine	68.650,32	„Medpoint“ d.o.o. Sarajevo	68.650,32	-
4.	Odluka o odobravanju sredstava JU Kantonalna bolnica Zenica za usluge održavanja medicinske opreme proizvođača „Fresenius“	02-11-10832/20 od 26.06.2020. godine	44.460,00	„Fresenius Medical care“	22.230,00 22.230,00	-
5.	Odluka o odobravanju sredstava za usluge	02-11-18516/20 od	18.704,40	„Medpoint“ d.o.o.	18.704,40	18.704,40

	održavanja i servisiranja gamma kamere proizvođača „Picker“	30.11.2020. godine		Sarajevo		
6.	Odluka o odobravanju sredstava za usluge verifikacije mjerila-medicinskih uređaja	02-11-18514/20 od 30.11.2020. godine	70.000,00	„Verlab“ d.o.o. Sarajevo	70.000,00	70.000,00
	<b>Ukupno održavanje medicinske opreme</b>		<b>688.403,58</b>		<b>688.403,58</b>	<b>163.974,40</b>

Najveći dio utrošenih sredstava za tekuće održavanje medicinske opreme (65,6% ili 451.605,86 KM) odnosi se na realizaciju Ugovora za nabavku usluga održavanja sljedeće medicinske opreme u Službi za radiologiju: MR magnetom Avanto 1,5T, CT Somatom definition AS 40, AXIOM Iconos MD, Multix Top. Odobrena sredstva se odnose na jednu mjesečnu ratu po osnovu Ugovora broj: 20/1-1061/17 od 01.02.2017. godine u iznosu od 37.620,86 i jedanaest mjesečnih rata po osnovu Ugovora broj: 33-11-1159/20 od 04.03.2020. godine u iznosu od 413.985,00 KM, zaključenih sa „Siemens medicina“ d.o.o. Sarajevo.

## 2. Rashodi po osnovu Tekućeg transfera za JU Kantonalna bolnica Zenica- pokriće troškova tekućeg održavanja nemedicinske opreme

Na troškove tekućeg održavanja nemedicinske opreme, odnosno informacionih sistema utrošeno je ukupno 205.274,16 KM, za što je Vlada Zeničko-dobojskog kantona donijela šest odluka i to:

Red. br.	Svrha odobrenja sredstava	Broj Odluke	Iznos odobren Odlukom	Dobavljač	Izvršenje januar-decembar 2020. godine	Obaveze sa stanjem 31.12.2020. godine.
1.	Odluka o odobravanju sredstava za održavanje i servisiranje softvera za Sektor za pravne poslove i Sektor za ekonomsko-finansijske poslove	02-11-10833/20 od 26.06.2020. godine	66.296,88	„Dalia“ d.o.o. Tuzla	33.148,44 33.148,44	-
2.	Odluka o odobravanju sredstava za usluge održavanja, servisiranja i implementacije PACS/RIS sistema	02-11-10834/20 od 26.06.2020. godine	36.504,00	„Medit“ d.o.o. Sarajevo	36.504,00	-
3.	Odluka o odobravanju sredstava za tekuće održavanje liftovskih postrojenja	02-11-10835/20 od 26.06.2020. godine	15.303,60	„E Lifting“ d.o.o.	7.651,80 7.651,80	-
4.	Odluka o odobravanju sredstava JU kantonalna bolnica Zenica za pokriće troškova održavanja i servisiranja informacionih sistema	02-11-10836/20 od 26.06.2020. godine	19.726,20	„Wizard Health“ d.o.o. Mostar	19.726,20	-
5.	Odluka o odobravanju sredstava za održavanje i	02-11-18513/20 od	32.034,60	„Wizard Health“	32.034,60	32.034,60

	servisiranje LIS-a modul transfuzija, laboratorija i mikrobiologija	30.11.2020. godine		d.o.o. Mostar		
6.	Odluka o odobravanju sredstava za nabavku usluga održavanja i servisiranja IMPAX(PACS/RIS) sistema	02-11-18515/20 od 30.11.2020. godine	35.408,88	„Medit“ d.o.o. Sarajevo	35.408,88	35.408,88
	<b>Ukupno održavanje nemedicinske opreme</b>		<b>205.274,16</b>		<b>205.274,16</b>	<b>67.443,48</b>

### **3. Izdaci za nabavku zaštitne opreme u uslovima pandemije virusa COVID-19- (planirana sredstva u iznosu od 200.000,00 KM)**

U uslovima pandemije i povećanih potreba za zaštitnom opremom, Vlada Zeničko-dobojskog kantona donijela je Odluku o odobravanju sredstava za pokriće troškova nabavke zaštitne opreme za potrebe sprečavanja širenja virusa COVID-19, broj: 02-11-10837/20 od 26.06.2020. godine kojom su odobrena sredstva u iznosu od 200.000,00 KM, a odnose se na realizaciju sljedećih ugovora:

- Ugovor broj: 33-11-1803/20 od 01.04.2020. godine, zaključenog sa „Prevent Safety“ d.o.o. Goražde za nabavku zaštitne opreme. Ukupna vrijednost zaključenog Ugovora je 101.193,30 KM (sa PDV-om) i
- dijela troškova po osnovu Ugovora broj: 01-11-2086/20 od 27.04.2020. godine, zaključenog sa „Medimpex“ d.o.o. Sarajevo za nabavku zaštitnih odijela. Ukupna vrijednost zaključenog Ugovora je 119.340,00 KM (sa PDV-om).

Navedena sredstva su se odnosila na hitnu nabavku neophodne zaštitne opreme na početku pandemije, kada je vladala nestašica zaštitne opreme. Dodatna sredstva u iznosu od 100.000,00 KM su planirana za nabavku zaštitne opreme putem Instituta za zdravlje i sigurnost hrane Zenica (za sve zdravstvene ustanove), a nakon proglašenja stanja prirodne nesreće Izmjena i dopuna Budžeta za 2020. godinu sredstva za navedene nabavke su planirana u okviru Kantonalne uprave civilne zaštite.

### **4. Izdaci za nabavku kisika u uslovima pandemije virusa COVID-19 (planirana sredstva u iznosu od 123.479,00 KM)**

Sa eskalacijom pandemije i povećanim prilivom pacijenata kojima je bila neophodna kiseonička podrška, troškovi nabavke kisika su predstavljali dodatno opterećenje na JU Kantonalna bolnica Zenica. Za navedene namjene obezbjeđena su sredstva izmjenama Programa utroška sredstava, na osnovu kojeg je donesena Odluka o odobravanju sredstava za pokriće troškova nabavke kisika, broj: 02-11-19817/20 od 23.12.2020. godine, kojom su odobrena sredstva u iznosu od 123.479,00 KM, a odnose se na pokriće troškova nabavke kisika od dobavljača „Messer Tehnoplın“ d.o.o. Sarajevo.

JU Kantonalna bolnica Zenica je imala zaključen Ugovor broj: 20/1-13885 od 26.12.2018. godine sa dobavljačem „Messer Tehnoplina“ d.o.o. Sarajevo za isporuku medicinskih plinova (ugovor zaključen na dvije godine). Zbog povećanih potreba za kisikom zaključen je sa istim dobavljačem Ugovor broj: 33-04-4118/20 od 29.07.2020. godine, koji se onosio na dodatne isporuke medicinskih plinova, a 25.08.2020. godine zaključen je Ugovor broj: 2-UGP -122/20 za isporuke medicinskih plinova za naredne dvije godine.

Odlukom o odobravanju sredstava za pokriće nabavke kisika izvršeno je pokriće troškova po osnovu ispostavljenih faktura od dobavljača u periodu od 11.05.2020. godine do kraja desetog mjeseca.

MINISTAR

dr Adnan Jupić